

葉氏
批評

景岳全書

上海廣益書局
印行

(17)

加批詳評景岳全書

本草正目錄大集

卷四十八

山草部

人參

黃芪

白朮

蒼朮

甘草

黃精

肉蓯蓉

丹參

遠志

巴戟天

仙茅

天麻

沙參

玄參

茅根

淫羊藿

苦參

貝母

土貝母

山慈姑

柴胡

桔梗

防風

細辛

羌活

獨活

升麻

前胡

延胡索

紫草

白芨

三七

白鮮皮

秦艽

地榆

黃芩

黃連

胡黃連

知母

龍胆草

濕草部

地黃

牛膝

麥門冬

續斷

蜀葵子

車前子

白蒺藜

紅花

紫苑

甘菊花

野菊花

獐齒

益母草

瞿麥

茵陳

青蒿

款冬花

麻黃

萱草

連翹

旋覆花

鼠粘子

決明

葶藶

夏枯草

蒼耳子

漏蘆

劉寄奴

篇蓄

青葙子

艾

佛耳草

藍靛

木賊

玉不留行

海金沙 燈心草 烟

芳草部

加批

目錄

上海廣益書局印行

當歸 川芎 芍藥 丹皮 白豆蔻 肉豆蔻 草蓂 破故紙

木香 藿香 香附 砂仁 紫蘇 薄荷 荊芥 白芷

香需 益智 鬱金 薑黃 澤蘭 藁本 萆薢 良薑

三稜 蓬朮 蛇牀子

蔓草部

天門冬 兔絲子 五味子 何首烏 瓜蒌仁 天花粉 金銀花 葛根

茜草 土茯苓 使君子 牽牛 防己 草薺 鉤藤 山豆根

威靈仙 馬兜鈴 青木香 白斂 木通

毒草部

附子 白附子 大黃 常山 半夏 天南星 胆星 射干

大戟 甘遂 芫花 玉簪 鳳仙花 蓖麻子 續隨子 甘鼈子

卷四十九

水石草部

石斛 菖蒲 蒲黃 澤瀉 海藻 骨碎補

竹木部

竹瀝 淡竹葉 天竹黃 官桂 丁香 淡竹茹 白檀香 沉香

枸杞

地骨皮

厚朴

烏藥

棗仁

杜仲

山茱萸

川椒

胡椒

蘇木

金榆子

槐蕊

柏子仁

枳實

蔓荊子

枳壳

五加皮

川棟子

女貞子

黃檗

梔子

桑白皮

郁李仁

訶子

側柏

皂角

巴豆

辛夷

蜜蒙花

雷丸

大楓子

茯苓

茯神

蕪荑

猪苓

桑寄生

琥珀

乳香

沒藥

松香

阿魏

樟腦

龍腦

血竭

蘆薈

乾漆

蘇合油

孩兒茶

穀部

麥芽

神麴

白扁豆

薏仁

綠豆

粟壳

麻仁

果部

芡實

杏仁

桃仁

木瓜

陳皮

青皮

檳榔

烏梅

山查

甜瓜蒂

大腹皮

吳茱萸

菜部

山藥

乾薑

大茴香

小茴香

白芥子

蘿蔔子

葱

蒜

韭菜

韭子

百合

蒲公英

金石部

金箔

水銀

輕粉

銅青

硃砂

銀硃

靈砂

硫黃

雄黃

自然銅

黃丹

白礬

石脂

爐甘石

蓬沙

水粉

蜜陀僧

石膏

滑石

青蒙石

朴硝

玄明粉

海石

代赭石

礪砂

青鹽

石灰

禽獸部

雞血

鴨血

虎骨

象牙

鹿角膠

鹿茸

犀角

羚羊角

牛黃

阿膠

熊胆

麝香

蟲魚部

龍骨

海螵蛸

牡蠣

穿山甲

青魚胆

白花蛇

真珠

龜板

殭蚕

蟾蜍

水蛭

鼈甲

蜈蚣

蟬蛻

斑蝥

蜂房

五靈子

全蝎

文蛤

百藥煎

蝸牛

蚯蚓

桑螵蛸

人部

童便

紫河車

血餘

人中白

加批
詳評
景岳全書

卷四十八

大集本草正上

會稽張介賓會卿著

長洲葉桂天士評
古吳江家楨忍庵訂

山草部

人參一反藜蘆味甘微苦微溫氣味頗厚陽中微陰氣虛血虛俱能補陽氣虛竭者此能回之於無

何有之鄉陰血崩潰者此能障之於已決裂之後惟其氣壯而不至所以能回氣壯其味香而

純正所以能補血故凡虛而發熱虛而自汗虛而眩暈虛而困倦虛而驚懼虛而短氣虛而遺

泄虛而瀉利虛而頭疼虛而腹痛虛而飲食不運虛而痰涎壅滯虛而嗽血吐血虛而淋瀝便

閉虛而嘔逆煩躁虛而下血失氣等症皆必不可缺者第欲以氣血相較則人參氣味頗輕而屬

陽者多所以得氣分者六得血分者四總之不失為氣分之藥而血分之所不可缺者為未有

氣不至血能自至者也故扁鵲曰損其肺者益其氣須用人參以益之肺氣既王餘藏之氣皆

王矣所以人參之性多主於氣而凡藏府之有氣者皆能補之然其性溫故積溫亦能成熟若

云人參不熱則可云人參之性涼恐未必然雖東垣云人參黃芪為退火之聖藥丹溪云虛火

可補參朮之類是也葉氏丹溪治虛火仍用參朮補之未見其用寒涼也景岳刻刻言其專

用寒涼清火而深罪之何命迷其用參朮治虛火可見未嘗偏執寒涼也

此亦皆言虛火也而虛火二字最有關係若內真寒而外假熱者是為真正火虛放胆用之必

不可也。然有一等元陰虧乏。而邪火爍於表裏。神魂躁動。內外枯熱。真正陰虛一證。誰謂其非虛火。若過用人參。果能助熱。若王節齋云。陽旺則陰愈消。及節要云。陰虛火動者。勿用。又曰。肺熱。還傷肺等說。固有此理。亦不可謂其盡非而近之。明哲如李月池輩。皆極不然之。恐亦未必然也。夫虛火二字。最當分其寔中有虛。虛中有寔。陽中有陰。陰中有陽。惟勿以成心而執己見。斯可矣。如必欲彼此是非。是所謂面東方不見西牆。皆未得其中也。予請剖之曰。如龍雷之火。原屬虛火。葉評因水得水則燔。得日則散。是即假熱之火。葉評原屬寒故補陽即消矣。葉評今言龍雷之火。得太陽一照。火自消靡。此言甚是。悖理。龍雷之起。正當天令炎熱。赤日酷烈之時。未見天寒地凍。陰晦凜冽。而龍雷作者。則知仍因陽亢而非熱。藥所能治者。若用熱藥。乃戴陽格陽。陰極似陽之症。若亢旱塵飛。赤地千里。得非陽亢陰虛。而亦可以補陽生陰乎。或必曰。此處尚要講究明白。若亢旱塵飛。赤地千里。得非陽亢陰虛。而亦可以補陽生陰乎。或必曰。此正寔火也。得寒則已。予曰。不然。夫炎暑酷烈。熱令大行。此為寔火。非寒莫解。而乾枯燥旱。泉源斷流。是為陰虛。非水莫濟。此寔火之與陰虛。亦自判然可別。是以陰虛而火不盛者。自當用參為君。若陰虛而火稍盛者。但可用參為佐。若陰虛而火大盛者。則誠有暫忌人參。而惟用純甘壯水之劑。庶可收功一證。不可不知也。予非不善用人參者。亦非畏用。而不知人參之能補陰者。蓋以天下之理。原有對待。謂之曰陰虛。必當忌參。固不可謂之曰陰虛。必當用參。亦不可要亦得其中和。用其當而已矣。觀者詳之。

黃芪二

味甘氣平。氣味俱輕。升多降少。陽中微陰。生者微涼。可治癰疽。蜜炙性溫。能補虛損。因其味輕。故專於氣分而達表。所以能補元氣。充腠理。治勞傷。長肌肉。氣虛而難汗者可發表。

疎而多汗者可止。其所以止血崩血淋者。以氣固而血自止也。故曰血脫益氣。其所以除瀉痢帶濁者。以氣固而陷自除也。故曰陷者舉之。然其性味俱厚。純於氣分。故中滿氣滯者。當酌用之。
白木三 味甘辛。氣溫。氣味俱厚。可升可降。陽中有陰。氣中有血。其性溫燥。故能益氣和中。補

陽生血。煖胃消穀。益津液。長肌肉。助精神。寔脾胃。止嘔逆。補勞倦。進飲食。利小便。除濕運痰。消浮除脹。治心腹冷痛。胃虛下痢。痲痺癰瘕。瘕制以人乳。欲潤其燥。炒以壁土。欲助其固。佐以黃芩。清熱安胎。以其性溫壯氣。故能止汗寔表。而癰疽得之。必反多膿。奔豚遇之。恐反增氣。及上焦燥熱。而氣多壅滯者。皆宜酌用之。然冬木甘而柔潤。夏木苦而燥烈。此其功用。大有不同。不可不為深辨也。若於飢時。擇肥而甘者。嚼而服之。服之久。誠為延壽之物。是寔人所未知。

蒼木四

味苦甘辛。

性溫而燥。氣味俱厚。可升可降。陽也用此者。用其溫散燥濕。其性溫散。故

能發汗。寬中調胃。進食。去心腹脹疼。霍亂嘔吐。解諸鬱結。逐山嵐寒瘴。散風頭眩疼。消痰癖氣。塊水腫脹滿。其性燥濕。故治冷痢冷泄。滑瀉腸風。寒濕諸瘡。與黃柏同煎。最逐下焦濕熱。痿痺。若內熱陰虛。表疎汗出者。忌服。然惟茅山者。其質堅小。其味甘醇。補益功多。大勝他木。

甘草五

味甘氣平。生涼。炙溫。可升可降。

葉註甘草之性中和。入脾。甘以緩之。不能下達。善於

解毒。反甘遂海藻大戟芫花。其味至甘。得中和之性。有調補之功。故毒藥得之。解其毒。剛藥得之。和其性。表藥得之。助其升。下藥得之。緩其速。助參芪成氣虛之功。人所知也。助熱地療陰虛之危。誰其曉焉。祛邪熱。堅筋骨。健脾胃。長肌肉。隨氣約入氣。隨血約入血。無往不可。故稱國老。

性中滿者勿加。恐其作脹。速下者勿入。恐其緩功。不可不知也。

黃精六

一名救窮草

味甘微辛。性溫。能補中氣。安五臟。療五勞七傷。助筋骨。益脾胃。潤心肺。填

髓。耐寒暑。下三蟲。久服延年不飢。髮白更黑。齒落更生。張華博物志言天老曰。太陽之草名

黃精。食之可以長生。太陰之草名鈎吻。不可食之。入口立死。此但以黃精鈎吻對言善惡。原非

謂其相似也。而陶弘景謂黃精之葉與鈎吻相似。誤服之害人。蘇恭曰。黃精葉似柳。鈎吻蔓生。

葉如柿葉。殊非比類。陳藏器曰。鈎吻乃野葛之別名。二物全不相似。不知陶公憑何說。此是可

元黃精之內。本無鈎吻。不必疑也。

肉蓯蓉七

味甘鹹微辛。酸氣微溫。味重。陰也。降也。其性滑。其味重而甘溫。故助相火。補精興

陽。益子嗣。治女人血虛不孕。煖腰膝。堅筋骨。除下焦寒痛。以其補陰助陽。故禁虛寒遺瀝。泄精

止。血崩尿血。以其性滑。故可除莖中寒熱澀痛。但驟服反動大便。若虛不可攻。而大便閉結不

通者。洗澀暫用三四錢。一劑即退神效。

通參八

味微苦微甘。微澀微涼。無毒。反藜蘆。能養血活血。生新血。行宿血。故能安生胎。落死

胎。血崩帶下可止。經脈不勻可調。此心脾肝腎血分之藥。所以亦能養陰定志。益氣解煩。療眼

目。脚痺。利通關節。及惡瘡疥癬。赤眼丹毒。排膿止痛。長肉生肌。

壯志九

味微苦微辛。氣溫。陽也。升也。製以甘草湯。浸一宿。晒乾炒用。功專心腎。故可鎮心止

疲。辟邪安夢。壯陽益精。強志助力。以其氣升。故同人參甘草棗仁極能舉陷攝精。交接水火。但

可為佐用不宜多。神氣上虛者所宜。痰火上實者當避。

巴戟天十

味甘微溫。陰中陽也。雖曰足少陰腎經之藥。然亦能養心神。安五臟。補五勞。益智。

氣助精強陰。治陰痿不起。腰膝疼痛。及夜夢鬼交。遺精溺濁。小腹陰中相引疼痛等症。制宜酒浸。去心微炒。或滾水浸剝亦可。

仙茅十一

味辛溫。有小毒。陽也。能助神明。強筋骨。益肌膚。培精血。明耳目。填骨髓。開胃消食。

助益房事。溫利五臟。補煖腰脚。此西域婆羅門僧。獻方於唐明皇。服之有效。久秘而後得傳。按許真君書云。仙茅久服。可以長生。其味甘能養肉。辛能養節。苦能養氣。鹹能養骨。滑能養膚。酸能養筋。宜和苦酒服之。必效也。然仙茅性熱。惟陽弱精寒。稟賦素怯者宜之。若體壯相火熾盛者。服之大能動火。不可不察。凡制用之法。於八九月採得。用竹刀刮去黑皮。切如豆粒。糯米泔浸兩宿。去赤汁。用酒拌蒸之。從己至亥。制之極熟。自無毒矣。然後暴乾。搗篩熟。蜜丸。桐子大。每空心酒飲。任下二三十九。忌食牛肉及黑牛肉。恐減藥力也。若隨羣補藥中。為凡服之。無所不可。

天麻十二

一名定風草。一名赤箭。

味辛平。陰中有陽。治風虛眩暈。頭旋眼黑。頭痛諸風濕痺。四肢拘攣。

利腰膝。強筋骨。安神志。通血脉。止驚恐恍惚。殺鬼精蟲毒。及小兒風癇驚氣。然性懦力緩。用須加培。或以別藥相佐。然後見功。

沙參十三

一名鈴兒草。反藜蘆。

味微甘苦。氣味俱輕。性微寒。能養肝氣。治多眠。除邪熱。益五臟陰氣。清。

肺京肝。滋養血脈。散風熱癰痒。頭面腫痛。排膿消腫。長肌肉。止驚煩。除疝痛。然性緩力微。非堪大用。易老云。人參補五臟之陽。沙參補五藏之陰。特以其甘涼而和。補中清火。反而言之。故有是論。若云對待人參。則相去遠矣。

玄參

十四反藜蘆

味苦甘。微鹹。氣寒。此物味苦而甘。苦能清火。甘能滋陰。以其味甘。故降性亦緩。

本草言其惟入腎經。而不知其尤走肺藏。故能退無根浮游之火。散周身痰結熱癰。逐頭項咽喉痺毒。癰癭結核。毆男女傳尸。煩躁骨蒸。解溫瘧寒熱。往來治傷寒熱。斑。支滿。亦療女人產乳餘疾。或腸中血瘕熱癥。並療勞傷痰嗽熱煩。補腎滋陰。明目解渴。

茅根

十五即白茅

味甘涼。性純美。能補中益氣。此良藥也。善理血病。凡吐血衄血。瘀血血閉。及婦

人經水不調。崩中漏下。且通五淋。除客熱。止煩渴。堅筋骨。療肺熱。嘔逆喘急。解酒毒。及黃疸水腫。久服大是益人。若是癰疽癰毒。及諸毒諸瘡諸血。或用根搗傳。或用此煮汁。調傳毒等藥。或以酒煮服。無不可也。茅有數種。處處有之。惟白者為勝。春生。茅布地如針。故曰茅針。可以生嗽。甚益小兒。功用亦同。

淫羊藿

十六

味甘氣辛性溫。乃手足陽明少陰三焦命門藥也。主陽虛陽痿。莖中作痛。化小

水。益精氣。強志意。益筋骨。煖下部。一切冷風勞氣。筋骨拘攣。補腰膝。壯真陰。及年老昏耄。中年健忘。凡男子陽衰。女子陰衰。艱於子嗣者。皆宜服之。服此之法。或單用浸酒。或兼佐丸散。無不可者。制法每擇近一斤。以羊脂四兩同炒。油盡用之。

苦參十七

味苦性寒。反藜蘆。沉也。陰也。乃足少陰腎經之藥。能祛積熱黃疸。止夢遺帶濁。清

小便。利水除癰。腫明目止淚。平胃氣。能令人嗜食。利九竅。除伏熱狂邪。止渴醒酒。療惡瘡斑疹。

疥癩殺疳虫及毒風煩躁。脫眉炒黃為末。米飲調服。治腸風下血熱痢。

貝母十八

反烏豆

味苦氣平為寒。氣味俱輕。功力頗緩。用須加倍。善解肝藏鬱愁。亦散心中逆氣。

祛肺痿肺癰痰膿喘嗽。研末沙糖為丸。含嚥最佳。降胸中因熱結胸。及乳癰流痰結核。若足生

人面諸瘡。燒灰油調頻敷。產難胞衣不出。研末用酒和吞。亦除癰疽喉痺金瘡。並止消渴煩熱。

赤眼翳膜堪點。時疾黃疸能敵。又如半夏貝母。俱治痰嗽。但半夏兼治脾肺。貝母獨善清金。

半夏用其辛。貝母用其苦。半夏用其溫。貝母用其涼。半夏性速。貝母性緩。半夏散寒。貝母清熱。

性味陰陽大有不同。俗有代用者。其謬孰甚。

土貝母十九

反烏頭

味大苦性寒。陰也。降也。乃手太陰少陽足少陽厥陰之藥。大治肺癰肺痿。咳

喘吐血衄血。最降痰氣。善開鬱結。止疼痛。消脹滿。清肝火。明耳目。除時氣煩熱黃疸。淋閉便血。

溺血。解熱毒。殺諸虫。及療喉痺癰瘰。乳癰發背。一切癰腸腫毒。濕熱惡瘡。痔漏金瘡出血。火瘡

疼痛。為末可敷。煎湯可服。性味俱厚。較之川貝母清降之功。不啻數倍。

山慈姑二十

一名金烟籠

味甘微辛。有小毒。治癰瘍疔腫。瘡癰癰瘰。結核。破皮攻毒。俱宜醋磨敷

之。除野斑。剝人面皮。宜搗汁塗之。並治諸毒蟲毒蛇蟲狂犬等傷。或用酒調服。或乾搗之。亦治

風痰癰疾。以茶清研服。取吐可愈。

柴胡 二 味苦微辛。氣平微寒。氣味俱輕。升也。陽中之陰。用此者。用其涼散平肝之熱。入肝

胆三焦心胞四經。其性涼。故解寒熱往來。肌表潮熱。肝胆火炎。胸脇痛結。兼治瘡瘍血室受熱。

其性散。故主傷寒邪熱未解。溫瘧熱盛。少陽頭痛。肝經鬱證。總之邪實者可用。真虛者當酌其

宜。雖引清氣上升。然升中有散。中虛者不可散。虛熱不可寒。豈容誤哉。兼之性滑。善通大便。

但有和解治寒熱未聞有通大便之語。凡瘧泄脾薄者。當慎用之。熱結不通者。用佐當歸黃芩。正所宜也。

此未效。愚謂柴胡之性。善泄善散。當作疏字。所以大能走汗。大能泄氣。

說新方用當歸柴胡發表大錯。仲景治傷寒邪傳少陽之經。因胆無出入之門。不可汗。斷非下惟用小柴胡和解。則知但能治寒熱非發汗之藥。景岳云大能走汗。認錯用藥之法。

滋補之物。凡病陰虛水虧。而孤陽勞熱者。不可再損營氣。蓋未有用散而不泄營氣者。未有動

汗而不傷營血者。營即陰也。陰既虛矣。尚可再損其陰否。然則用柴胡以治虛勞之熱者。果亦

何所取義耶。觀寇宗奭衍義曰。柴胡本經並無一字治勞。今人治勞方中。鮮有不用者。嗚呼。凡

此誤世甚多。當原病勞之人。有一種藏本虛損。復受邪熱者。當須斟酌用之。如經驗方中治勞

青蒿煎之用柴胡。正合宜耳。若或無邪。得此愈甚。雖至死人亦不怨。自擊甚多。日華子又謂補

五勞七傷。約性論亦謂治勞乏羸瘦。若此等病。苟無寔熱。醫者執而用之。不死何待。注釋本草

一字不可忽。蓋萬世之後。所誤無窮。可不謹哉。觀此寇氏之說。其意專在邪熱二字。謂但察有邪無邪。以決可用不可用。此誠得理之見。而復有非之者。抑又何也。即在王海藏亦曰。苟無寔熱。而用柴胡不死何待。凡此所見略同。用者不可不察。

桔梗二一名齊菴

味苦微辛。氣微涼。氣輕於味。陽中有陰。有小毒。其性浮。用此者。用其載藥上

升。故有舟楫之號。入肺胆胸膈上焦。載數散藥。表散寒邪。載涼藥。清咽疼喉痺。亦治赤目腫痛。載肺藥。解肺熱。肺癰。鼻塞。唾膿。咳嗽。載痰藥。能消痰止嘔。亦可寬胸下氣。引大黃可使上升。引

青皮平肝止痛。能解中惡蠱毒。亦治驚癇怔忡。若欲毒用降劑。此物不宜同用。

防風二

味甘辛。氣溫升也。陽也。用此者。用其氣平散風。雖膀胱脾胃經藥。然隨諸經之藥。

各經皆至。氣味俱輕。故散風邪。治一身之痛。療風眼。止冷淚。風能勝濕。故亦去濕。除遍體濕瘡。若隨寔表補氣諸藥。亦能收汗。升舉陽氣。止腸風。下血崩漏。然此風藥中之潤劑。亦能走散上焦元氣。誤服久服。反能傷人。

細辛二四生藥

反藜蘆

味大辛。氣溫。氣味俱厚。升也。陽也。有小毒。用此者。用其溫散。善祛陰分

之寒邪。除陰經之頭痛。益肝溫胆。利竅。逐諸風濕痺。風癰痰瘰。真艱不聞香臭。開闢通竅。散風。決目疼。白臭牙虫。煎湯含漱。過服亦散真氣。不可不知。此味辛甚。故能逐陰分之邪。陰分且然。陽分可知。舊云少陰厥陰之藥。然豈有辛甚而不入陽風者。但陽證忌熱。用當審之。

羌活二五

味微苦。氣辛微溫。升也。陽也。用此者。用其散寒定痛。能入諸經。太陽為最。散肌表

之寒邪。利周身項脊之疼痛。排太陽之癰疽。除新舊之風濕。緣非柔濡之物。故能撥亂反正。惟其氣雄。大能散逐。若正氣虛者。忌用之。

獨活二六

味苦。氣香。性微涼。升中有降。善行滯氣。故入腎與膀胱兩經。專理下焦風濕。兩足

痛痺濕癢拘攣。或因風濕而齒痛頭眩。喘逆奔豚。疝瘕腰腹疼痛等證。皆宜用之。

升麻 二七

味微苦。氣平。氣味俱輕浮而升。陽也。用此者。用其升散提氣。乃脾胃肺與大腸四

經之藥。善散陽明經風寒。肌表邪熱。提元氣之下陷。舉大腸之瀉泄。除陽明溫疫表邪。解膚腠風熱斑疹。引石膏除齒牙臭爛腫痛。引蔥頭去陽明表證頭疼。佐當歸肉從容。可通大便結燥。凡癰疽痘疹。陽虛不能起發。及瀉痢崩淋。夢遺脫肛。陽虛下陷之類。用佐補劑。皆所宜也。若上寒氣壅。諸火炎上。及太陽表證。皆不宜用。且其味苦氣散。若血氣太虛。及水火無根者。並不可用。

前胡 二八

味苦氣寒。降也。陰中微陽。去火痰。寔熱。開氣逆結滯。轉筋霍亂。除胸中痞滿。氣喘

嘔逆。咳嗽煩悶。治傷寒寒熱風熱頭疼。解嬰兒疳熱。

延胡索 二九

味苦微辛。氣微溫。入肝脾二經。善行滯氣。破滯血。血中氣藥。故能止腹痛。通經

調月水淋滯。心氣疼痛。破癥癖跌撲凝瘀。亦善落胎。利小便。及產後逆血上衝。俱宜以酒煮服。或用酒磨服亦可。然性惟破氣逐血。必真有血逆氣者方可用。若產後血虛。或經血枯少不利。氣虛作痛者。皆大非所宜。

紫草 三十

味苦性寒。此手厥陰足厥陰血分之藥。性寒而利。能涼血滑血。通利二便。故痘疹

家宜用之。凡治痘疹。無論已出未出。但血熱毒甚。或紫或黑。而大便秘結者。宜用之。若已出紅活。不紫不黑。而大便秘通利者。即不可用。故曾世榮枯幼心書云。紫草性寒。小兒脾氣寒者。

猶可用。脾氣虛者反能作瀉。又若古方惟用其茸亦取其氣輕味薄而有清涼升發之功也。此外可用以解黃疸消腫脹及一切斑疹惡瘡亦以其能利九竅通水道去濕涼血而然也。

白芨三一

味苦澀性收斂微寒反烏頭能入肺止血療肺癰肺痿治癰疽敗爛惡瘡刀箭湯火損傷生肌止痛俱可為末傅之凡吐血不能止者用白芨為末米飲調服即效。

三七三二

味甘氣溫及陽明厥陰血分之藥故善止血散血定痛凡金及刀箭所傷及跌撲杖瘡血出不止嚼爛塗之或為末傅之其血即止亦治吐血衄血下血血痢崩漏經水不止產後惡血不下俱宜自嚼或為末米飲送下二三錢若治虎咬蛇傷等症俱可服可傅葉之性用與根大同凡折傷跌撲出血傅之即止青腫亦散。

白蘇皮三三

味苦寒性燥而降乃手足太陰陽明之藥解熱黃酒黃急黃穀黃勞黃通關節

九竅利血脈小水治時行大熱飲水狂躁叫呼及婦人陰中腫痛小兒風熱驚癇尤治一切毒風風瘡疥癬赤爛楊梅瘡毒眉髮脫落此雖善理瘡瘍而寔為諸黃風痺要藥。

秦艸三四

味苦性沉寒沉中有浮手足陽明清火藥也治風寒濕痺利小水療通身風濕拘攣手足不遂清黃疸解瘟疫熱毒除口噤牙疼口瘡腸風下血及虛勞骨蒸發熱潮熱煩渴及

婦人胎熱小兒疳熱瘦弱等證。

地榆三五

味苦微澁性寒而降既清且澁故能止吐血衄血清火明目治腸風血痢及婦人崩漏下血月經不止帶濁痔漏產後陰氣散失亦斂盜汗療熱痞除惡肉止瘡毒疼痛凡血熱

者當用。虛寒者不相宜也。作膏可貼金瘡。搗汁可塗虎犬蛇蟲傷毒。飲之亦可。

黃芩 三六

味苦氣寒。氣輕於味。可升可降。陰中微陽。枯者善於入肺。寔者善入大腸。欲其上

者酒炒。欲其下者生用。枯者清上焦之火。消痰利氣。定喘嗽。止失血。退往來寒熱。風熱濕熱。頭

痛。解溫疫。清咽。療肺痿。肺癰。乳癰。發背。尤祛肌表之熱。故治斑疹。鼠癰。瘡瘍。赤眼。寔者涼下焦

之熱。能除赤痢。

葉註景岳言痢屬虛寒傷臟。大熱蓄膀胱。五淋澀痛。大腸閉結。便血漏血。胎因

火盛不安。酌佐砂仁。白朮。腹因火滯為痛。可加黃連。厚朴。大腸無火滑泄者。最當慎用。

黃連 三七

味大苦。氣大寒。味厚氣薄。沉也。降也。降中微升。陰中微陽。專治諸火。火在上炒以

酒。火在下炒以童便。火而嘔者炒以姜汁。火而伏者炒以鹽湯。同吳茱萸炒。可以止火痛。同陳

壁土炒。可止熱瀉。同枳實用。可消火脹。同天花粉用。能解煩渴。同木香丸。和火滯下痢腹痛。同

吳茱萸丸。治胃熱吐吞酸水。總之其性大寒。故惟平肝涼血。肅胃清腸。涼胆。止驚癇。瀉心。除痞

滿。上可治吐血衄血。下可治腸癖便紅。療婦人陰戶腫痛。除小兒食積熱疳。殺蛇蟲。消惡瘡。癰

腫。除濕熱鬱結。善治火眼。亦消痔漏。解烏附之熱。殺巴豆之毒。然其善瀉心脾寔火。虛熱妄用。

必致格陽。故寇宗奭曰。虛而冷者。慎勿輕用。王海藏曰。夏月久血痢。不用黃連。陰在內也。○景

岳曰。人之脾胃。所以盛載萬物。發生萬物。本象也。而屬土。土煖則氣行。而燥土寒則氣凝。而濕

葉註土煖其氣薰蒸而濕潤。土寒則氣凝冰堅。土裂而燥。獨不見冬土燥則寔。土濕則滑。此天

月天寒地凍。水泉不流。地上乾燥而裂矣。此至理也。何景岳反言之。地間不易之至理。黃連之苦寒若此。所以過服。芩連者。無不敗脾。此其濇滑。亦自明顯。易見。獨